

Endenquimbo, diez de diciembre, 1948, nidaid abitedinoësh matses utsi-utsiec cho-chopanêdash, onquenuec. Adec cho-choquid Naciones Unidas capec.

Choashic onquepanêdash. - Bêdamboec tabadnuna, quequin chuibanuna. Nuqui chuiboed dada uanuna. Nuqui dada uaid daêdpén nacenashun meniac utsibo abitedishun nuqui chuiboed tantiatsiashe - quepanêdash cho-choquido. Ambi chiaid neid dada uaid nec.

Nidaid Abitedinoësh Cho-choquidon Bêdamboec Tabadte Chiaid

Utsi Chuinuen Naden chuinëdash

Adashic: - Bêdamboec tabadnuna, qesho: Ai, mimbi chiac padec tabadnuna, matses abitedimbo chuinanubi:

Mibi bêdamboec tabashobi cueschitono, quequid nibedtsiasih. Cuesnanenquio matses ictsiash. Icsauanquid chushcatsiasih. Bêdambocquid bêdamboen ispatsiasih - quequin chuipanêdash nidaid abitedinoësh cho-choquidon.

Adashic: - Enden: Bêdamboec tabadnu, qesho: Padi. Cueschitono, quequin icsamenêdaiddi nêbi utsi uanuna. Naden chuinanuna. Mimbi tantiaiddi chuita. Utsibon chuisho tantiate bonquin tantiaata. Dacuêdenquiocquin nata. Mibi cuestiapimbo iquebi - quequin chuinanuna. Adec matses utsi-utsiquetsêcquieq nuquibi bêdamboec tabadtsiashe - quequin chuipanêdash nidaid abitedinoësh cho-choquidon.

Adashic: - Bêdamboec tabadnuna, quequin neid chiaid isun chuiquid dapan: Ai, bêdamboen chiacpadec tabadnuna, aton matses chiac bêdambo ictsiash. Aid chuiquid dapa caic: Icsambo iqueque. Cuesunechitono, utsibon cac icsambo ictsiash - quequin chuipanêdash nidaid abitedinoësh cho-choquidon.

Adashic: - Nuquibi bêdambo iquec, cananuna - quequin chuipanêdash nidaid abitedinoësh cho-choquidon.

Adashic: - Bêdamboec tabadnuna, quequin chiac bêdambo ictsiash. Matses abitedimbo bêdambo iquec. Dada bêdambo iquec. Chido bêdambo iquec. Bacuêbo bêdambo iquec, quequin chiac bêdambo ictsiash. Padi.

Mimbi chiac padomboen bêdamboen nainda. Cueschitono quequid chieshêmênquid icsambo ictsiash. Adquid nibêdnubi matses abitedi dada uaquin mêquiacac bêdambo ictsiash. Adembi di dauê menebanac bêdambo ictsiash. Adecbidi piasenquio yec bêdamboec tabadac bêdambo ictsiash - quequin chuipanêdash nidaid abitedinoësh cho-choquidon.

Adashic: - Nêmo cho-choquidotedi aton nidaidên nishun aton matses nuqui chiondaiddi chuituidac: Ai, mimbi chiacpadec bêdamboec tabadnuna, quequin chiac bêdambo ictsiash - quequin chuipanêdash nidaid abitedinoësh cho-choquidon.

Adashic: - Nuqui chuiboed matses abitedimbo tantiamiac bêdambo ictsiash - quepanêdash. Aidedba chuipanêdash.

Nuqui Chuiboed Bêdambo Iquec, Quish

Nidaid abitedinoësh cho-choquido: - Nuqui chuiboed matses abitedimbo tantiamenuna. Tantiamiac chuiquid dapabon: Ai, adec bêdamboec tabadcuénuna, cac bêdambo ictsiash. Bêdamboec tabadcuénuna, cacpadec matses abitedi bêdamboec tabadac bêdambo ictsiash - quequin chuipanêdash nidaid abitedinoësh cho-choquidon.

Chiaid 1

Chidon tishaido yec matses abitedimbo bêdamboec isanac bêdambo ictsiash. Chieshnanac icsambo ictsiash. Abitedimbo bêdamboec tabadac bêdambo ictsiash. Shubu abentsêcquidên tabadac birnboec abitedi tabadac bêdambo ictsiash - quequin chuipanêdash nidaid abitedinoësh cho-choquidon.

Chiaid 2.

Nêid dada uaid isash abitedi bêdamboec isanac bêdambo ictsiash. Êbi padquid con matsesuidtsêqui bêdambo iquec. Matses utsibo icsarnbo iquec, quenquio yec: Con matses bêdambo icnuc utsibotsen bêdambo iquec, cac bêdambo ictsiash. Adernbidi: Embentsêqui bêdamboen tantiembi. Utsibo abitedishun icsamboen tantiec, quenquioêquin:

Chieshênquiocquin ma ambi tantiaiddi napanu cac bêdambo ictsiash. Chidobi bêdamboen istiapimbo iquebi, quenquiocquin chidotsen bêdamboen isac bêdambo ictsiash. Chuiquid dapambi nêid chiaid niacbidanquin aton matses chieshênac icsambo ictsiash - quequin chuipanêdash nidaid abitedinoësh cho-choquidon.

Chiaid 3.

Matses utsibo yuainquio yec, cuesnanenquio yec quec bêdamboec tabadnuna, cac bêdambo ictsiash - quequin chuipanêdash nidaid abitedinoësh cho-choquidon.

Chiaid 4.

Matses utsibo min matsesbêta yuainquiocquid. Yuac icsambo ictsiash. Adembi di matses utsibo min matsesbêta beshun yuamequin menenquiocquid. Yuamenun meniac icsambo ictsiash - quequin chuipanêdash nidaid abitedinoësh cho-choquidon.

Chiaid 5.

Matsespenquio yacimboecnuc aton matses bêta matses utsibo icsauainquiocquid. Icsauac icsambo ictsiash - quequin chuipanêdash nidaid abitedinoësh cho-choquidon.

Chiaid 6.

Atoda nidaidên nidacsho anocquidon: Con matses chuiquid dapan chiaid ley caid nata. Niacbidansho juez caidên êbi yac padomboembidi cuidtsiasih, cac bêdambo ictsiash - quequin chuipanêdash nidaid abitedinoësh cho-choquidon.

Chiaid 7.

??Mitsicquid nidaidên tabadquid nec? Aton nidaidên tabadquido chuiquid dapan chiaid ley caid abitedishun nac bêdambo ictsiash. Aidên chiaid niacbidansho juez caidên cuidac bêdambo ictsiash. Nêid chiaid niacbidanquin matses utsi caic: Matsespenquio mibi nec. Mibi bêdamboen istiapimbo iquebique. Mêyanu, quequin ambembi nac icsambo ictsiash. Cuidte chuiquid juez caidên matses abitedimbo: Mibi matses nec. Con matses nacpadomboembidi mibi naimbi, cac bêdambo ictsiash - quequin chuipanêdash nidaid abitedinoësh cho-choquidon.

Chiaid 8.

??Midacquid matses nepec? Aton nidaidên tabadquido chuiquid dapabon chiaid nac bêdambo ictsiash. Aid chiaid niacbidanquin utsibo icsauasho isun juez caidên bemeshun cuidac bêdambo ictsiash - quequin chuipanêdash nidaid abitedinoësh cho-choquidon.

Chiaid 9.

Nêid chiaid niacbidanquin ambembi matses quêne uac icsambo ictsiash. Adembi di ambembi chieshênquin matses aton nidaidênshun cuemiac icsambo ictsiash - quequin chuipanêdash nidaid abitedinoësh cho-choquidon.

Chiaid 10.

Chuiquid dapabon chiaid ley caid niacbidanosh. Icsaosh, caid beshun juez caid yacno buanquin. Anoshombi matses daêdpenshun isnuc juez caidên chieshênquiocquin chuimequin. ??Atotsi nao? quequin chuimequin. Ashumbi aid isquidtsen chuimequin. Adoshombic: Abimbo caosh. Icsaosh, queshun cuidquin. Icsabichobi: Icsabi iqueque. Cuidtiapimbo iquebi. Ma nidnu, cac bêdambo ictsiash. Cuidte chuiquid juez caidên chieshênquiocquin abimbo cac bêdambo ictsiash - quequin chuipanêdash nidaid abitedinoësh cho-choquidon.

Chiaid 11.

Chuiquid dapabon chiaid ley caid niacbidanosh. Icsaosh, caid beshun cuidte chuiquid juez caidên uesquin chuimiabi badedi: Mibi icsaque. Mibi cuidnu, cac icsambo ictsiash. Chata. Utsibon tantianubi chuimiabi icquin: Icsambo iquec, catiapimbo iquebi. Chuimebono, juezên cac bêdambo ictsiash.

Chuiquid dapabon chiaid ley caid niacbidanacsho juez caidên chuimeshun cuidac bêdambo ictsiash. Chuiquid dapabon: Aden naic icsambo ictsiash. Adoquid naden cuidquid, quequin chiacmaid nacsho: Icsambo iqueque. Cuidnu, cac icsambo ictsiash. Aidon chiaid niacabichsho cuidac icsambo ictsiash - quequin chuipanêdash

nidaid abitedinoësh cho-choquidon.

Chiaid 12.

Nidaid utsin-utsinquetsëcquieqcuidën chuiquid dapabon: Nadquid icsambo iqueque. Cuidnu cac bëdambo ictsiash. Nëidic: Mimbi tantiaidi nainda. Embi chiac padomboenuidtsëqui nata, quec chieshëmënnquid. Nëidic: Min nabobëdi bëdamboec tabadenda, quec chieshanquieqcuid. Nëidic: Ambi tantiaidën iste dada uaid isnushe. Beshun secanuna, quequin dada uaido beshumënnquid. Aided icsambo iquec, quequin chuiquid dapabon chiac bëdambo ictsiash - quequin chuipanëdash nidaid abitedinoësh cho-choquidon.

Chiaid 13.

Nidaid utsin-utsinquetsëcquieqcuidën chuiquid dapabon nadoac bëdambo ictsiash. Nëid nidaidën tabadquid: Capucuenenu, qesho tantiashun: Ai, capucueneta, cac bëdambo ictsiash. Adembidi: Shubu utsin manëdnu, qesho: Ai manëdta, cac bëdambo ictsiash, quequin chiac bëdambo ictsiash.

Nadembidi chiac bëdambo ictsiash. Nëid nidaidënoësh nidendabi, qesho, Ai, nidta, cac bëdambo ictsiash. Nidenda. Cueschitono, shëpi, cac icsambo ictsiash. Padnuen: Nëid nidaidën choaindabi, qesho, Ai, chota, cac bëdambo ictsiash. Padnuen: Choenda. Cueschitono, cac icsambo ictsiash - quequin chuipanëdash nidaid abitedinoësh cho-choquidon.

Chiaid 14.

Nidaid utsino cuenash: Con nidaidën tabadquidën ambembi chiesënac cuenobique. Min nidaidën tabadnu, qesho: Ai, nëmbobi quenenta, cac bëdambo ictsiash.

Padnuen aton matses chuiquid dapabon ley chiaid niacbidanec: Cuidnushe, quianec nidaid utsin cuensho: Ai, nëmbo quenenta, cac icsambo ictsiash. Adembidi ëmbi chuiboed niacbidanec: Cuidnushe, quianec nidaid utsin cuensho: Ai, nëmbo quenenta, cac icsambo ictsiash - quequin chuipanëdash nidaid abitedinoësh cho-choquidon.

Chiaid 15.

Acte amë ëquë cuëma utsiuc tabadquid: Peruano nebi, qesho Peru yacnocquid ëhuiquid dapan: Ai, Peruano mibi nec, cac bëdambo ictsiash. Padnuen acte amë oquë cuëma utsiucquid: Brasilero nebi, qesho Brasil yacnocquid chuiquid dapan: Ai, Brasilero mibi nec, cac bëdambo ictsiash. Padnuen nidaid utsin tabadquid: Nëid nidaidën icquidquio nebi, qesho: Ai, adquid mibi nec, cac bëdambo ictsiash.

Aton nidaidën tabadquid: Nëid nidaidën icquid mibi catiapimbo iquebi. Con matses mibi cainqujo iquembi, ambembi cac icsambo ictsiash. Padnuen aton nidaidën tabadquid: Nëid nidaidën icquid icboedi nëbi nidaid utsin manëdash aid nidaidën icquid yanebi, qesho ambembi chieshënnquin: Padi. Aid nidaidën icquid mibi catiapimbo iquebi, cac icsambo ictsiash - quequin chuipanëdash nidaid abitedinoësh cho-choquidon.

Chiaid 16.

Ashumbic padpiden: - Dada caniaidi: Con bacuë tishmenuen con matsesën champi bednu, qesho: Ai, adota, cac bëdambo ictsiash. Caniaid utsibi: Con bacuë tishmenuen matses utsin champi bednu, qesho: Ai, adota, cac bëdambo ictsiash. Padnuen chido caniaid: Con bacuë tishnuen con matses bedmenu, qesho: Ai, adota, cac bëdambo ictsiash. Chido canjaid utsibi: Con bacuë tishnuen matses utsibi bedmenu, qesho: Ai, adota, cac bëdambo ictsiash. Dadabi: Con chidobëdi bëdamboec tabadnu, qesho: Ai, adta, cac bëdambo ictsiash. Chidobi: Con bënëbëdi bëdamboec tabadnu, qesho: Ai, adta, cac bëdambo ictsiash. Chido aton bënën yuapenquio nec. Dadabi: Embi con chido caboedi icsasho isun con chidopenquio canu, qesho, Ai, adota, cac bëdambo ictsiash. Chidobi: Embi con bënë caboedën chieshënoshi. Aidi nianu, qesho, Ai, adota, cac bëdambo ictsiash.

Nidaid utsin-utsinquetsëcquieqcuidën chuiquid dapabon: Dadabi: Aton bënë ictiapimbo iquebi, qesho bedmenda. Adecbidi chidobi: Aton chido ictiapimbo iquebi, qesho bedmenda. Padnuen dadan: Mibi bednu, cac: Ai, ëbi bed, cac bëdambo ictsiash.

Nidaid utsin-utsinquetsëcquieqcuidën chuiquid dapabon: Dada aton nabobëdi bëdamboec tabasho isash: Bëdambo iquec, cac bëdambo ictsiash. Chieshëmënnquidën aton chido beshunac icsambo ictsiash. Adembidi aton bacuëbo beshunac icsambo ictsiash. Adoquid cuidnuna, quequin chiac bëdambo ictsiash - quequin chuipanëdash nidaid abitedinoësh cho-choquidon.

Chiaid 17.

Nidaid utsin-utsinquetsëcquieqcuidën chuiquid dapabon: Ampiacbicquid: Con nabi nec, qesho: Ai, mitsa na nec, cac bëdambo ictsiash. Adembidi: Utsin nabëdi con na nec, qesho: Ai utsin nabëd mitsa na nec, cac bëdambo ictsiash.

Adashic: Ancanquidën utsin na beshunac icsambo iquec. Adembidi utsin na ampiac icsambo iquec, quequin chiac bëdambo ictsiash - quequin chuipanëdash nidaid abitedinoësh cho-choquidon.

Chiaid 18.

Nidaid utsin-utsinquetsëcquieqcuidën chuiquid dapabon: Nëmbocquid: Aden tantiembi, qesho: Aden tantiasho mibi cuesunechitono, shëpi, cac icsambo ictsiash. Utsibi: Matses uaquid abentsëqui Nuquin Papa iquec, qesho: Adquid cuesunechitono, shëpi, cac icsambo ictsiash. Utsibi: Nuquin Papa caid nibëdec, qesho: Adquid cuesunechitono, shëpi, cac icsambo ictsiash. Utsibi: Podobitsi daëdpën tantiaquidquio nebi, qesho: Adquid cuesunechitono, shëpi, cac icsambo ictsiash. Padnuen: Podobitsi daëdpën tantiaquid icboedëmbi nëbi utsi uaimbi. Nëbi Nuquin Papa tantiaquid nebi, qesho: Adquid cuesunechitono, shëpi, cac icsambo ictsiash. Utsibi: Embi Nuquin Papa caid tantianuec shubun puduedash tabadcuedednu, qesho: Padi, cuesun secachitono, cac icsambo ictsiash. Utsibi: Embi Nuquin Papa caid tantianuec abentsëqui tsadnu, qesho: Padi. Cuesunechitono, cac icsambo ictsiash. Padnuen: Embi Nuquin Papa caid utsibo chuibanu, qesho: Asho mibi cuesunechitono, cac icsambo ictsiash. Utsibi: Embi Nuquin Papa caid tantianuen nanu, qesho: shëpi cac icsambo ictsiash, quequin chiac bëdambo ictsiash - quequin chuipanëdash nidaid abitedinoësh cho-choquidon.

Chiaid 19.

Nidaid utsinutsinquetsëcquieqcuidën chuiquid dapabon: Matsesën ambibi tantiaid chuisho: Chuisho cueschitono, shëpi. Chën, cac icsambo ictsiash. Utsibi: Utsin chuisho tantiatanu, qesho: Nisho isun mibi cuesunechitono, shëpi. Chën, cac icsambo ictsiash. Padnuen: Maquinian onquequin utsibo chuibanu, qesho: Chën. Cuidchitono, cac icsambo ictsiash. Utsibon iste dada uanu, qesho: Chën. Dada uainda, cac icsambo ictsiash. Nidaid utsin tabadquid chuinu, qesho: Chën. Anocquido chienda, cac icsambo ictsiash, quequin chiac bëdambo ictsiash - quequin chuipanëdash nidaid abitedinoësh cho-choquidon.

Chiaid 20

Nidaid utsin-utsinquetsëcquieqcuidën chuiquid dapabon: Con nidaidën tabadquid: Aidobëdi bëdamboec tabadnu, qesho: Ai, adta, cac bëdambo ictsiash. Adembidi: Shubun tsaduedash bëdamboec onquecuedednu, qesho: Chën. Cuidchitono, cac icsambo ictsiash.

Adashic: Utsibi: Aden tantiaquidobëd tabadtiaimbo iquebi, qesho: Baded cho. Choenquiocsho cuidchitono, cac icsambo ictsiash, quequin chiac bëdambo ictsiash, - quequin chuipanëdash nidaid abitedinoësh cho-choquidon.

Chiaid 21.

Nidaid utsin-utsinquetsëcquieqcuidën chuiquid dapabon: Miqui chuiquid ictiadquio iquebi, qesho aton matsesën: Ai, ëbi chuiquid icta, casho utsibo daëdpatsëcshun: Padi, cuesunechitono, shëpi, cac icsambo ictsiash. Padnuen: Miqui chuiquid ictiadquio iquebi, qesho aton matsesën: Padi caqui chieshënnquin: Padi, caquido cuesun secachitono cac icsambo ictsiash.

Chuiquid dapabon: Nuquin matses abitedi nashununa. Aton podquedën uaquinc, aton dauëchoquid icmequinc, aton dada uaid ismequid icmequinc canuna, cac bëdambo ictsiash.

Matses daëdpenshun: Embi chuiquid icta, cac aidi chuiquid icmiac bëdambo ictsiash Padabi yac icsambo ictsiash. Utsibombi: Aidi chuiquid bëdambo ictsiash, quequin utsibo ismenquiocquin aid cuëmëdquid dada uashun sandoquin. Adoshombi matses abitedishun ambi tantiaid dada uatanquin sandoacsho sandoaid beshun tambanquin. Adoshombic: Mibi cuëmëdquid matses daëdpenshun dada uaque. E'bi chuiquid icta, cain. Padnubi matses utsibon aton matsesën nac padomboen chuiquid dapa icmequin. Adoac bëdambo ictsiash - quequin chuipanëdash nidaid abitedinoësh cho-choquidon.

Chiaid 22.

Matses abitedi bëdamboec tabadac bëdambo ictsiash. Piasenquio yec dacuëdenquio yec tabadac bëdambo ictsiash. Nëid nidaidën icquido chuiquido nidaid utsin icquidobëtan chuiquin: Matses utsi-utsiec abitedimbo bëdambo iquec. Aton piucquid bedmenuna. Bëdamboec tabadmenuna. Min matsesi bëdamboen istiapimbo

Chiaid 23.

Padnuen: Naic cho, cac daädp̄en chonoadacsho piucquid menequin. Chonoadquido abitedishun tauac padquido aidtedishun nainacsho piucquid ated-atēdbidi menebaniac bēdambo ictsiash.

Chonoadquido: Ebi chonoadac padec chonoadquidobēd onquecuedednuna. Ēbi chonoaoaquidon piucquid daēdpatsēc menesho chushcanuna, qesho: Chēn. Onquecuededenda. Cuidchitono, cac icsambo ictsiash. Ai, miqui chiac padota, cac bēdambo ictsiash - quequin chuipanēdash nidaid abi tedinoēsh cho-choquidon.

Tibocamianenquiocquin chonoaoanquiac icsambo ictsiash. Padnuen: Padi. Nēbadiadash tiboenuna, cac bēdambo ictsiash. Dia ēeriado caidēn matses abitedi tiboequid. Asho Chonoaoaquidēn dia ēeriado caic: Aid ushēmbi chonoadacimboecnuc adted piucquid menenu, cac bēdambo ictsiash - quequin chuipanēdash naidaid abitedinōesh cho-choquidon.

Ani aton bacuëböhëd tabadquido bëdamboen isquin bëdamboen dayun uac bëdambo ictsiash. Bënën tishmiaido bacuëbo bëdamboen isquinc abembi uaidën tishaidotsen bëdamboen isquinc cac bëdambo ictsiash - quequin chuipanëdash nidaid abitedinoësh cho-choquidon.

Dada uate shubun puduedshun mëquiacquidon: Matses utsi-utsiquetsëcquiec iquec. Abitedimbo bëdambo iquec. Utsibo abitedi bëdamboen isnuna. Chieshnanenquo yec cuesun secananenquo icnuna. Adeç bëdamboec tabadnuna - quequin mëquiadquido bëdamboen chiac bëdambo ictsiash.

Chiaid 27.

Chiaid 28.

Chiaid 29.

Embi chuiboed isun: Bëdamboec tabadnuna, cac bëdambo ictsiash. Padnuen ëmbi chuiboed ismeshun: Embi naiduidi nanu, shëpi, cac icsambo ictsiash - quequin chuipanëdash nidaid abitedinoësh cho-choquidon.

Nëid dada uaid isash, Icsa uanquionona, cac icsamho ictsiash. Padnuen nëid dada uaid isun, Nidaid abichobi icquidën tabadquidobëdi bëdamboec isanec bëdamboec tabadnuna, cac bëdambo ictsiash - quequin chuipanëdash nidaid abitedinoësh cho-choquidon.